

鑄琴銅劍樓藏書目錄

物 2  
836  
5



門  
號  
卷



鐵琴銅劍樓藏書目錄卷第十

常熟瞿 鏞子雍

史部三

傳記類

東家雜記二卷 宋刊本

首列紹興甲寅三月辛亥四十七代孫右朝議大夫  
知撫州軍州事兼管內勸農使仙源縣開國男食邑  
三伯戶借紫金魚袋孔傳序有杏壇圖及說與琴歌  
壇作三重核諸敏求記所載悉合卽遵王所見之書  
也後附元豐八年四十六代孫宗翰紹興二年四十  
八世孫端朝家譜舊序又淳熙五年五十世孫擬序  
一首序云歷代追崇之盛典備見中散公東家雜記

則非序是書之文當亦是家譜序耳案世文自序與祖庭廣記附刻者字句稍異而作序歲月亦不同此本作紹興甲寅三月辛亥廣記作宣和六年甲辰三月戊午又署銜此作朝議大夫知撫州廣記作朝散大夫知邠州蓋世文先作祖庭雜記南渡後復作此書廣記所採者乃祖庭雜記也每半葉十行行十八十九字不等敬慎字有減筆管勾之勾或作勺避高宗嫌名也舊爲士禮居藏書後有黃蕘圃錢竹汀二跋竹汀跋語與養新錄所載略同卷首尾有麗南樓沈氏沈偉之印雄仲歲寒小隱諸朱記

孔氏祖庭廣記十二卷

蒙古刊本

題資政大夫襲封衍聖公知集賢院兼太常丞五十

一代孫元措謹續編是書合家譜祖庭雜記而增益門類冠以圖象故曰廣記中記先聖生日爲魯襄公二十二年十月二十七日庚子不同史記世家作十一月庚子又聖妃并官氏不作元官與韓勅造孔廟禮器碑及鄧名世古今姓氏書辨證王伯厚姓氏急就篇合足證明人刻家語誤并爲元之失書成於金正大四年丁亥有元措自序張左丞行信序及元豐八年孔宗翰家譜舊引宣和六年孔傳祖庭雜記舊引先鐫板南京此蒙古壬寅年重雕本流傳甚夥錢唐何夢華爲曲阜孔氏壻得之潛研錢氏有手書跋亦見養新錄又有黃蕘圃兩跋及孫淵如瞿木夫題字

右聖蹟

晏子春秋八卷

影鈔元本

舊不題名是書烏程閔氏本竄亂舊第惟元刻本尙存舊式內篇分諫上諫下問上問下雜上雜下六篇外篇兩卷一爲重而異者一爲不合經術者共八篇與漢志合總目後系劉向序以下每卷目後接本文此本卽全椒吳氏刊本之底槩卷末有陽湖孫氏題記云影元版本鈔晏子据別本改正數字用朱筆記之

晏子春秋八卷

明刊本

此明李氏綿眇閣刻本卽出自元刻篇次行款悉合卷首有孫印從添慶增氏朱記

魏鄭公諫錄五卷

鈔本

唐王方慶集唐志曰魏徵諫事通鑑書目曰魏元成故事卽此書也容齋隨筆所引亦作魏鄭公諫錄淳熙己亥吳興李某得本於陳叔進舍人屬其客馬萬頃叔度校正謬誤刻於郡齋正德二年吳中刻本有李馬二跋今秀野草堂本遺去馬跋矣此依正德本校過

李相國論事集六卷補錄一卷

舊鈔本

唐蔣偕錄李相國絳論諫之文次爲七卷曰論事集有序舊題李深之文集者後人所改也案陸放翁跋謂論事集有兩本其一本七卷其一本一卷此蔡竹堂鈔本惜祇存六卷今於各書中補錄十有一篇附

於後卷首有葉文莊公家世藏葉德榮父收藏二朱記

雲韓堂紹陶錄二卷舊鈔本

題泰山王質述曰紹陶者謂其友唐濟民鹿伯可  
紹淵明通明二公而卽以自寓也雲韓堂雪山王氏  
堂名此洞庭翁氏栻鈔藏本有跋曰健庵徐司寇撰  
志於吾山借得紹陶錄發鈔余見其旨趣高逸因命  
炳揆兩兒錄得一本以期日後尙平事畢託友魚鳥  
以漁鼓簡板歌此辭於煙光嵐翠之間也康熙三十  
年辛巳端午卷首有洞庭翁栻又張朱記  
祠山事要指掌集四卷元刊本  
元梅應發因宋周秉秀舊本重編舊止八卷梅氏始  
增爲十卷一聖像附從聖像二世系三前後事跡四

顯應事實五祠宇附埋藏六生辰七正訛八神屬李  
王方侯九廣惠靈異記附修廟碑十古今名公祈謝  
文卷首冠以明太祖御製詩疑是明時補板或翻刻  
本也今僅存前四卷自五至末皆缺後有張月霄跋  
云此本述古錢氏舊藏卽讀書敏求記著錄本也然  
考敏求記所載尙存八卷之舊乃是周秉秀原本目  
錄序次亦與是書不合張氏以爲卽此本偶失檢耳  
集中有顏真卿橫山廟碑今魯公集中未載卷首有吳岫董

烏臺詩案一卷舊鈔本

不著撰人名氏書錄解題作烏臺詩話十三卷朋九  
萬編今止一卷殆非全本也舊爲邑中秦氏所藏卷首

有口石秦氏四  
磨之印二朱記

鄂國金陀粹編二十八卷續編三十卷

元刊本

題孫奉議郎權發遣嘉興軍府兼管內勸農事岳珂  
有自序後序戴洙序續編有自序及跋此書舊有嘉  
禾刻本歲久脫壞至正二十三年朱元祐求得其本  
參互考訂重刻於西湖書院陳基為之序較舊刻為  
詳卽是本也中有闕文一仍其舊蓋當時已殘佚無  
從補輯矣內序目至第四卷皆鈔補

鄜王劉公家傳三卷

舊鈔本

宋劉武僖公光世家傳闕首卷未著撰人趙清常從  
閣本錄得者其跋云第一卷脫十八葉惟存十九葉  
尾張三卷止於紹興元年不知後當逸去幾何蓋首

尾皆不全矣

運使郭公言行錄一卷敏行錄一卷

元刊本

題福州路儒學教授徐東撰言行錄紀郭公郁居官  
事敏行錄皆一時名人投贈詩文頌其政績也此書  
自來諸家書目未著錄今見錢氏補元史藝文志養  
新錄及張氏藏書志阮氏經進書目各家題跋已詳  
本末惟張氏阮氏分載二書不知敏行錄卽附刻於  
言行錄後亦徐東所編阮氏誤以卷首有黃文仲林  
興祖二序遂疑爲二人所編也

右名臣

古列女傳七卷續列女傳一卷

明刊本

此書有宋本傳刻目錄前題漢護左都水使者光祿

大夫劉向編撰是本無之傳後有黃魯曾贊知爲明刻也前列嘉祐八年王回序及曾鞏序蔡驥跋案晁氏讀書志亦載王回序中圖其狀物以爲卒篇二句通考物總無以字此本與之合則信爲明刻之善本矣

高士傳三卷

明刊本

題元晏先生皇甫謐撰晁氏讀書志作九十六人陳氏書錄作八十七人李石續博物志作七十二人今本與讀書志合此明嘉靖中黃省曾刻本傳後有頌省曾作也

蜀本王學士春秋臣傳三十卷

舊鈔本

宋王當撰此書晁氏讀書志陳氏書錄俱作五十一

卷與宋志合此本止三十卷而一百三十有四人之數與晁氏合蓋後人省併卷第以刻之者是本額上有標註卷首題直學省元曾基之學諭省元邱聞之同校正當從元刊本傳錄

廣卓異記二十卷

舊鈔本

題朝散大夫行尚書都官員外直史館上柱國樂史撰自序謂嘗以李翱卓異記未博撰續唐卓異記三卷繼復卽漢魏至五代併唐事爲廣卓異記卓異記非習之作此書蕪雜舛謬并闕及神仙靈異之事疑亦非正子筆也舊爲金壇王氏鈔本每葉板心有鬱

岡齋藏書五字

卷首有周春松靄二朱記

紹興十八年同年小錄

鈔本

此宋紹興十八年王佐榜進士題名錄世以是錄因朱子而重故明初有刊本又有石刻在滁州歐梅亭明人張安道所刻惟朱子名字三代鄉貫全載其餘僅書名及本貫州縣此從明初本傳錄猶同宋時舊帙也首列紹興十七年三月二十四日手詔及御試策一道後列知貢舉以下銜名是榜徐履以南省第<sub>一</sub>人而殿五甲張荃翁貴耳錄謂履因功名之念太重遂有心恙之疾殿試卷子寫一枝竹題曰畫竹一竿送上試官朝廷亦優容之此本附錄云時相秦檜欲妻以女因陽狂廷對不答一字乃附第五甲末其說不同各記所傳聞耳又是科吾邑登第者曰冷世光世修兄弟及胡百能錄云世光第四甲第七人字

賓王小名福子小字慶孫年二十七六月二十八日  
生外氏沈具慶下第四十一兄弟五人一舉娶何氏  
曾祖邁故不仕祖佚故不仕父嗣立見任秀州助教  
本貫平江府常熟縣積善鄉虞山里父爲戶世務按  
當是修第五甲第二十五人字良器小名慶兒小字  
餘慶年二十四三月十八日生第四十四娶馬氏餘  
同世光百能第四甲第五十一人字少明小名同老  
小字祖壽年四十八七月十二日生外氏樓永感下  
第二十一兄弟終鮮六舉娶張氏曾祖教故大中大  
夫祖稷言故通直郎父嶧故右迪功郎本貫平江府  
長洲縣安樂鄉絃歌里祖爲戶按百能邑之塗菘人  
後居郡城故貫長洲宋時功令無寄籍之嫌猶朱子



籍婺源而錄中貫建州建陽也備錄之以資修邑乘者參核

新刊名臣碑傳琬珍之集一百七卷

宋刊本

題眉川進士杜大珪編目錄分上中下上二十七卷神道碑中五十五卷誌銘行狀下二十五卷傳第二十二卷以後雜以謚議行狀宋朝名臣事實略具於此前有紹興甲寅序不題名每半葉十五行行二十

五字楮墨精好洵爲宋槧之善本

寶祐四年登科錄一卷

鈔本

此從明初刊本傳錄款式與紹興同年錄相似卷首御試策後列考官有初考官三人添差初考官三人覆考官三人添差覆考官四人初考檢點試卷官一

人其覆考檢點試卷官一人則厚齋王公也是錄以文信國陸君實謝疊山三人而重猶紹興同年錄之以朱子而傳也錄後有信國對策一篇理宗御製賜詩信國謝詩謝表乃後人附入非當時原本也是科吾邑無中者平江府僅有邊雲遇王體文兩人皆籍

崑山縣

京口耆舊傳九卷

鈔本

不著撰人名氏紀京口名賢事蹟甚詳有資史籍考證如米芾卒年五十有七與宋史本傳年四十九不同子友仁仕至工部侍郎與宋史兵部侍郎不同

敬鄉錄十四卷

舊鈔本

元吳師道撰并序專紀婺地人物并錄詩文始梁代

迄宋末婺人如喻叔奇良能何茂恭恪之文皆陳龍川所劇賞者多託此以傳

元統元年進士題名錄一卷

鈔本

此從郡中黃氏所得元刊本傳錄元制蒙古色目人與漢人南人分兩榜一甲止一人是科一甲各三人二甲各十五人三甲各三十二人共百人蒙古與色目各二十五人漢人與南人各二十五蒙古及第第一人爲同同第二人爲余忠宣闕漢人及第第一人爲李齊原本錄後附試策多斷爛處而忠宣一篇差可讀殆有神物護持者與潛研錢氏謂錄中諸人里貫可考證元史闕譌黃氏丕烈跋曰嘉慶二年春正月從郡城醋坊橋崇善堂書肆獲睹此元刊本亟購

歸質諸錢竹汀先生先生據之駁正元史數條作跋見示余因裝治成帙播諸友人而是錄遂有聞於世矣得書之後十日堯翁記

重刻宋朝南渡十將傳十卷

元刊本

此書卷一至卷四爲劉岳李魏四將傳題史官章穎纂其韓世忠張俊虞允文張子蓋張宗顏吳玠六將之傳不題撰人蓋元人續纂也案袁本讀書志有四將傳無十將傳者尙是章穎舊本周香巖所藏毛氏鈔本先以神諤傳趙起撰不分卷亦無宋朝南渡十將傳字樣是別一本也此本爲曹倦圃藏書後有黃

堯圃跋

卷首有樵李曹氏藏書曹溶之印二朱記

十七史百將傳六卷

元刊殘本

題東光張預集全書十卷凡百人始太公迄五代之  
劉詞傳後各引孫子兵法合其行事斷之其書見晁  
陳兩家書目傳本絕稀惜僅存自太公而下止陶侃  
舊爲汲古毛氏藏書卷首有毛晉顧文耀氏二朱記

國朝名臣事略十五卷元刊本

題趙郡蘇天爵伯修輯凡名臣四十七人采錄事蹟  
皆標出處發端於爲胄子曰成書於至順間久而後  
就此其初刻本也有許有壬歐陽立王理王守誠等  
序目後有元統乙亥余志安刊於勤有書堂一條案  
元統止癸酉甲戌二年乙亥乃至元元年書林不知  
改元而誤記耳天爵又有遼金紀年見王理序今其  
書不傳此本舊爲郡人吳伊仲藏書繼歸執經堂張

氏士禮居黃氏愛日精廬張氏卷首有伊仲枚庵校覽所及吳巷張氏執

經堂藏士禮居藏諸朱記

稗史集傳一卷明刊本

元徐顯撰專記其所與遊及耳目所聞見者凡隱士  
十一人烈婦二人前有自序傳後有論贊釋其旨蓋  
亦元之逸士也舊爲毛子晉藏書

草莽私乘一卷舊鈔本

題南村陶宗儀鈔輯凡孝子忠臣節婦二十篇其主  
意在龔聖子所作文信國陸君實兩傳也宋遺民錄  
刻二傳多脫譌得此可以校正是書出南村手藁藏  
王弇州家江上李氏錄副以傳舊爲邑中錢氏所藏  
目後有題記云萬曆庚申春日借李如一鈔本繕寫

成都氏族譜一卷鈔本

元費著撰并序專紀成都大姓世系但書其名不書其事自唐以後氏族之學無有傳者此書綴緝有法

猶可考見其略焉

舊不題名案晁氏讀書志作楊侃撰侃以避真宗諱後改名大雅亦見東都事略是書明黃省曾刻本流傳頗多此從宋刻錄出者卷末有題記云元質頃游

三館蒐覽載籍得兩漢博聞一書記事纂言真得提鈞之要惜其傳之不廣也為是正而芟約之刻板於

姑熟郡齋乾道壬辰十月旦日吳郡胡元質書今以是書校漢書顏注可以正譌者如第一卷引高帝紀

蕭何立北闕注公車司馬亦在此焉今漢書注此誤北第二卷引文帝紀誹謗之水注服虔曰橋梁邊板

柱頭也今漢書注邊板誤交午宋本亦作邊板與此書合第三卷引武帝紀跡弛之士注不入俗檢而見斥逐者今漢

書注斥誤跡又引昭帝紀五年以前適更賦未入者皆勿收注因使住一歲一更今漢書注使誤便或誤

更第四卷引景帝紀中六年取苑馬注養馬三十萬頭今漢書注頭誤匹又引成帝紀建始元年公主王

主注王主即翁主也今漢書注即誤則舉此數端略可推見其善惜為元質刪削恐已失楊氏之舊矣舊

草叢史鈔類

爲季滄葦藏書

卷首有滄葦季印振宜二朱記

東萊呂氏西漢精華十四卷東漢精華十四卷

明刊本

舊不題名首標東萊呂氏宋元時書肆本式也此明

藩重刻本有刊板序

十七史詳節二百七十三卷

元刊本

此書仿南宋巾箱本凡史記二十卷西漢書三十卷

東漢書三十卷三國志二十卷

原闕以明刻本補

晉書三十

卷南史二十五卷北史二十八卷隋書二十卷新唐

書六十卷

原闕以明刻本補

五代史十卷世傳爲呂成公輯

錄本而公弟監倉子約所撰年譜不載又樓宣獻祠

堂記詳言公所著亦不及此書其說實誤於明建陽

慎獨齋劉宏毅刻本概題爲東萊先生某史詳節此

本於史記則曰東萊先生增入正義音註史記詳節

於漢書則曰參附漢書三劉互注西漢詳節又曰諸

儒校正西漢詳節於後漢書則曰諸儒校正東漢詳

節餘皆曰東萊校正某書詳節其爲書賈假名以增

重可知且漢書中雜附致堂胡氏之論卽讀史管見

中語考致堂猶子大壯跋管見謂書成刻於嘉定十

一年成公安得預見其書而採之耶又書中有互注

及每種前有世系紀年地里之圖乃宋末時書肆所

行纂圖互注之本其非公所作明矣

漢雋十卷

宋刊本

宋林鉞撰并序又魏汝功後序每卷首行標漢雋卷

第幾次行低二格列目次畢低四格列篇名下接本

文猶存古本之式每半葉九行大書分注每行大字  
十五小字三十板心有字數刊工名自序林鉞不作  
越可證延祐庚申袁桷刻本之誤此嘉定閒趙氏原  
刻本板印楮墨俱極精好卷末有浚儀趙時侃題記  
云右漢雋十卷亦厄於開禧兵燼余既重刊慶厯前  
後集因訪求舊本再鋟木於郡齋嘉定辛未中秋日  
書法工雅殆出手蹟

卷首有希之裏  
古閣藏二朱記

通鑑總類二十卷

校宋本

宋沈樞撰此書舊有嘉定中湖陽刻本元至正癸卯  
復刻於蘇州郡庠前有周伯琦序是書卽元刻而紙  
墨不古已爲明時印本矣然轉有改正宋刻譌處者  
如卷一治世門德宗不尙玩好條作代宗爲是苛察

門周行逢善發隱伏條劉光委多安飲作晏飲爲是  
卷五繼嗣門太后欲以梁孝王爲嗣條景帝由此怨  
望梁王不脫望梁王三字爲是然全書相覈明刻譌  
處正復不少季君菘耘曾爲余統校一過如卷一苛  
察門北魏置內外候官條百官職滿二丈丈譌文天  
后爲學生求假發敕條故左右丞徒以下不句句譌  
拘句勾本字卷二名器門賜李行言金紫條匿軍家索之  
脫匿字興作門後趙王虎作太武條及雜伎工巧及  
譌乃梁武帝築浮山堰條乃運東西冶鐵器數千萬  
斤脫器字公法門北魏源懷不以舊交恕元尼須條  
尼須揮淚無以對尼譌泥詔令制誥門興元詔書條  
罔敢怠荒罔譌妄卷五繼嗣門契丹述律后愛中子

德光條輒懼而趨避脫避字曹翰請晉王榮入侍條  
翰請問言曰間譌問潛邸門鄭眾不赴太子條唯眾  
不染於辭辭譌藩唐太宗戒于宗寧條能無驕逸乎  
驕下衍嬉字太宗好下脫嬉字公主門公主作定昆  
池條乃更奪民田作定昆池作譌所同姓門魏曹植  
二疏乞隆親親之恩條諸侯王法禁嚴切切譌初宋  
孝武帝增廣王侯制度條罷官則不復追諡諡敬  
明帝殺巴陵王條剽拉同氣拉譌立宣宗親睦兄弟  
條擊毬盡歡擊譌繫卷七宰相門王尊劾奏丞相條  
顓權擅執執譌柳宗元作梓人傳條听听於府庭  
听听譌聽聽卷八將帥門吳明徹破齊壽陽條兵貴  
神速而彼結營不進彼譌被卷九諫諍門北魏古弼

擊劉樹條乞減太半以賜貧民太譌大卷十封禪門  
梁許懋議封禪條古者祀天祭地古譌后唐魏徵諫  
封禪條此乃引戎狄入腹中中譌少卷十一錢幣門  
北魏高道穆乞鑄五銖錢條自應息心息譌悉聚斂  
門隋置洛口倉條倉城周圍十里下脫穿三百窖四  
字陸贄請去二庫榜條輟食以昭功勞輟譌輒用兵  
門蜀譙周作仇國論條欲乘虛向秦川虛譌西房元  
齡諫太宗東征條尙上女高陽公主高陽譌丈王陳  
子昂諫天后擊生羌條山川阻曠去中夏遠去譌十  
蜀爲戎矣矣譌大邊備門吳益巴邱之戍條嘉其抗  
盡脫盡字卷十二攻守門宋陳憲守懸瓠以拒魏兵  
條魏主自將步騎十萬奄至十譌千宿衛門後唐莊

宗親軍不自安條郭崇韜方用事崇譌從馬政門唐  
張萬歲王毛仲善牧養條唐初纔得牝牡三千匹牡  
譌馬卷十四饑饉門後晉括民穀條原野山谷城郭  
廬舍皆滿郭譌廓卷十五名望門陳頴謂中華取士  
條中華所以傾弊者正以取才失所才譌財隱逸門  
李業等不受公孫述徵命條速裝妻子可全裝譌莊  
操守門种暘拒中常侍迎太子條從中單駕出迎太  
子中譌忠嚴挺之不詣李林甫條竟不之詣之譌知  
卷十六訓戒門唐太宗作帝範條可不惜哉可不譌  
不可警戒門高祖以微時納衣示後世條常自於新  
洲伐荻荻譌狄度量門宋王僧綽沈深有局度條文  
帝頗以後事爲念帝譌命果報門袁襲每勸殺所以

不壽條吾好寬而襲每勸我以殺好譌所禍福門唐  
王沐求官被誅條家於江南江譌家日加譴責譌譌  
遣報怨門何無忌怒殷仲文爲薄已條無忌喜欽遲  
之欽譌欲劉毅怨庾悅奏罷軍府條符攝嚴峻攝譌  
設周興以魏元同沮已條周興奏誣元同周譌同後  
梁太祖爲朱友寧報仇讎條使者先鑿坑於第側第  
譌地妬賢門元載與其黨攻李泌條使善待之待譌  
代譌譖門曹操信譌言害崔琰條羣下畏之側目畏  
譌謂卷十八功臣門郭崇韜有功無罪條李紹琛引  
兵出戰於金鴈橋橋譌琛卷十九夷狄門契丹主欲  
以晉百官自隨條恐搖人心搖譌遙備舉之以見舊  
刻之不可忽也宋刊本每半葉十一行行廿三字行



款與茲同惟板心注字數書中無圈句爲稍異爾

載記類

吳越春秋十卷 校宋本

後漢趙睦撰此明刊本顧澗蒼氏以影鈔宋本校過  
第一卷頗高子勾畢宋本作勾卑與史記吳世家合  
第九卷越女劍事女即捷末下宋本多袁公操其本  
而刺處女女應即入之三八處女因舉杖擊之廿三  
字與文選注太平御覽藝文類聚所引合元明刻本  
皆遺之宋本嘉定中新安注綱所刻有跋每半葉九  
行行十八字 卷首有顧澗蒼氏手校朱記  
此本卷末有大德十年歲在丙午三月音注越六月

吳越春秋十卷 元刊本

書成刊板十二月畢工二行又有前文林郎國子監  
書庫官徐天祐音注一行前有天祐序明弘治間鄺  
璠所刻即依此本

越絕書十五卷 明刊本

不著撰人隋唐志云子貢作 四庫書目云漢會稽  
袁康撰同郡吳平所定書多異聞謂舜兄狂弟傲舜  
之有兄惟見是書宋紹興嘉定元大德間皆有刻本  
有無名氏跋及丁黼汪綱跋此明時翻刻本也

十六國春秋略十六卷 舊鈔本

不著撰人每國爲一卷專錄僞主六十二人諸臣無  
傳崇文總目作二卷未知即其書否馮已蒼以朱筆  
校過跋謂此書向疑盡出太平御覽及校對始知亦

有異同也每葉心有在茲閣三字卷首有錢印興祖希修時孝延印諸

朱記

江南野史十卷舊鈔本

宋龍袞撰南唐書音釋載此書凡二十卷八十四傳與晁氏讀書志通志略合則是非完書矣卷首有楊甫經眼朱記

錦里耆舊傳四卷舊鈔本

題前榮州應靈縣令勾延慶纂書錄解題云平陽勾延慶昌裔撰則延慶為蜀人字昌裔原書八卷前四卷已亡作於開寶三年起咸通九年迄乾德四年又案書錄解題有續傳十卷蜀張緒所撰朱竹垞跋即以延慶所撰為續傳者誤也陳氏又云李順王均劉

吁作亂亦略載之惜太常博士張約序已亡矣並指續傳言而朱氏即據之以跋此書亦謬

五國故事二卷舊鈔本

不著撰人名氏紀偽吳楊氏偽唐李氏前蜀王氏後蜀孟氏偽漢彭城氏偽閩王氏事蹟見直齋書錄係孫潛夫鈔本

蜀檣杪十卷舊鈔本

此書見直齋書目題曰殿中侍御史裏行新建張唐英次功撰是本題宋張唐英撰名下注曰字汝功號黃松子尚書屯田員外郎其書案年紀載前蜀王氏後蜀孟氏事蹟間有論語亦潛夫鈔本卷首有潛夫朱記

南唐書三十卷舊鈔本

宋馬令撰并序此嘉靖辛丑茶夢主人姚咨從洛川  
張氏鈔本手錄蓋出自宋本也葉心有茶夢齋鈔四  
字咨字舜咨亦號皇象山人無錫人喜藏書值善本  
手自繕寫古雅可愛其自跋云正德辛巳余聞江陰  
葉潛夫云靖江朱生藏有宋刻馬令南唐書許借未  
往迄今二十餘年恆往來於懷今年春得主洛川張  
君家塾暇日乃出馬令南唐書觀之云是從先公官  
閩時所錄余曰此余二十年前求之未獲者也遂抱  
疾錄一過藏諸篋笥嘉靖辛丑夏四月

南唐書十八卷

校本

宋陸游撰前有天曆二年趙世延序後有戚光音釋  
宋本卽光所刻也小題在上大題在下猶仍舊刻史

書之式汲古毛氏初刻此書多脫譌處如烈祖本紀  
保大十年放進士王克貞三人及第下脫文曰旋復  
停貢舉三月以太弟太保馮延巳爲左僕射前鎮海  
節度使徐景運爲中書侍郎及右僕射孫忌並同平  
章事帝以南漢乘楚亂據桂宜等州將取之以知全  
州張繼兼桂州招討使夏四月丙戌朔日有食之命  
統軍侯訓帥五千人會張繼攻桂州敗績于城下訓  
死之繼收餘眾保全州周興順指揮使白進福以疾  
來歸秋九月召朗州劉言入朝冬十月劉言將王逵  
周行逢攻潭州壬辰拔益陽寨戍將李建期死之丙  
辰潭州節度使邊鎬棄城遯辛丑劉將蒲公孟攻岳  
州刺史宋德權監軍任鎬棄城遯十一月劉言盡據

故楚地詔流邊鎬于饒州斬宋德任鎬于太社斬裨  
將申洪泰尹建于都門外平章事馮延巳孫忌皆罷  
延巳左僕射忌右僕射十二月雩都令趙暹奔周洪  
州大都督楚王馬希萼來朝留不遣是歲大旱以下  
提行  
保大十一年春三月以左僕射馮延巳同平章事金  
陵火逾月焚官寺民廬數千間復設貢舉下接夏六  
月云云  
又宋齊丘列傳若謂窺伺謀篡竊下脫文曰則過也  
特好權利尙詭譎造虛譽植朋黨矜功忌能飾詐護  
前富貴滿溢猶不知懼扭於要君闇於知人釁隙遂  
成蒙大惡以死悲夫以下  
提行論曰世言江南精兵十萬  
而長江天塹可當十萬國老宋齊丘機變如神可當  
十萬周世宗欲取江南故齊丘以反間死方五代之

際天下分裂大亂賢人君子皆自引於深山大澤之  
間以不仕爲得而馮道有重名於中原齊丘擅眾譽  
於江表觀其人可以知其時之治亂矣周師之犯淮  
南齊丘實預議論雖元宗不盡用然使展盡其籌策  
亦非能決勝保境者且世宗豈畏齊丘機變而間之  
者哉蓋鍾謨自周歸力排齊丘殺之故其黨附會爲  
此說非其實也予論齊丘事盡黜當時愛憎之論而  
錄其實覽者得詳焉又三徐三王二朱胡申屠喬睦  
列傳烈祖喟然謂常夢錫曰吾不意其下脫文曰捨  
匡舜也夢錫與韓熙載素惡齊丘每相語曰宋公誤  
識亞元正可怪久之齊丘出鎮豫章始表爲節度掌  
書記保大中召爲駕部郎中知制誥進中書舍人周

癡書目金卷十一  
六  
侵淮南諸將無功元宗親議率六軍拒之匡舜上疏  
切諫帝怒坐以沮國動人心流撫州然亦卒不能親  
行也後主嗣位復起爲司農少卿歷殿中監修國史  
給事中兼獻納使知貢舉放及第樂史輩五人多久  
滯名場者時稱得人而少年輕薄子嘲之謂之陳橋  
皮勝遷刑部侍郎老病乞骸骨後主憫其貧給俸終  
身開寶五年卒年七十五諡曰貞以下陸昭符金陵  
提行  
人不知所以進保大中爲常州刺史州當吳越之衝  
屢交兵城邑荒殘昭符爲政寬簡招納逋亡未幾遂  
富實一日坐廳事雷雨暴至電光如金蛇繞案史卒  
皆震仆昭符不懼撫案叱之雷電遽散及舉案惟得  
鐵索重百斤昭符亦不變色徐命舉案索納庫中顯

德五年元宗既稱藩于周秋八月命昭符爲進奏使

置邸

下接大  
梁云云

又劉潘李嚴張龔列傳後主在東宮開

崇文館下脫文曰以招賢士佑預其間後主嗣位遷  
虞部員外郎史館修撰議納后禮援據精博合指遷  
知制誥召草南漢主書文不加點後主咨賞遷中書  
舍人每以潘卿稱之而不名佑酷喜老莊之言嘗作  
文一篇名曰贈別其辭曰莊周有言得者時也失者  
順也安時處順哀樂不能入也僕佩斯言久矣夫得  
者如人之生自一歲至百歲自少得壯自壯得老歲  
運之來不可卻也此所謂得之者時也失之者亦如  
一歲至百歲暮則失早今則失昔壯則失少老則失  
壯行年之去不可留也此所謂失之者順也凡天下

之事皆然也達者知我無奈物何物亦無奈我何兩  
不相干故泛然之也故浩然之也其視天下之事如  
奔車之歷蟻垤也值之非得也去之非失也燕之南  
越之北日月所生是謂中國其間含齒戴髮食粟衣  
帛者是爲人剛柔動植林林而無窮者是爲物以聲  
相命是爲名倍物相聚是爲利彙首而芸芸是爲事  
事往而記於心爲喜爲悲爲怨爲恩其名雖眾實一  
心之變也始則無物終復何有而於是強分彼我彼  
謂我爲彼我亦謂彼爲彼彼自謂爲我我亦自謂爲  
我終不知孰爲彼耶孰爲我耶而世方徇欲嗜利繫  
心於物局促下接若轅下駒云云卷末有陸敕先手書一行曰  
遵王抄本校一過甲寅九月七日觀庵記卷中有海虞馮武朱

記

吳越備史四卷

舊鈔本

宋范垌林禹同撰舊有錢氏年號世系圖諸王子弟  
官爵封諡表已佚直齋書錄謂錢俶弟儼所作託名  
范林者錢氏敏求記謂武肅十九世孫德洪刊本有  
補遺一卷以家藏舊本校閱知其紊亂脫誤此卽出  
自遵王藏本猶爲完書也案錢氏諱佐凡左皆改爲  
上書中所謂上右乃左右也卷末有錢遵王述古堂  
藏書一行

安南志略十九卷

鈔本

元黎崱撰其書與元史有出入處足以訂正誤脫舊  
有元明善許有壬歐陽玄序此本遺之

東國史略六卷

舊鈔本

不著撰人名氏乃朝鮮人紀其國之事故亦名朝鮮史略萬歷間邑人趙清常得其本鈔錄以傳中國遂有是書趙有跋曰東國史略六卷不著姓氏於燕京馮滄洲仲纓齋頭見之因借錄一冊其書雖簡略而上下數千年間事歷歷可指諸掌至如幽奇理亂之跡不少概見可謂東國之良史也滄洲別有東國通鑑三十冊爲東明石大司馬星取去聞其書更精于此惜不得睹之馮嘗從事于東征有全城之功而不見賞今鬱鬱長安索五斗米不能如侏儒之飽腹也悲夫時萬歷三十八年庚戌季秋朔後三日後附百夷傳一卷明餘姚錢古訓編百夷在雲南之南越金

齒景東踰怒江始至其地洪武中古訓奉使還上此書湖廣參政楊砥爲之序亦有清常跋云歲庚戌在京師閒步刑部街見此書遂買之錄一冊以隨奚囊蓋亦山經水志之一班云時萬歷三十八年庚戌十一月十有三日

越史略三卷

舊鈔本

不著撰人名氏紀安南國事近有得安南鐘搗本中題皇越昌符九年乙丑据是書卽其國主陳暉年號也

鐵琴銅劍樓藏書目錄卷十終

史部四  
時令類  
歲時廣記四十二卷鈔本  
題廣寒僊裔陳元靚編前有劉純朱鑑序書凡四十卷前列圖說一卷後有總裁一卷是書世所傳本僅有四卷卽敏求記所載前列圖說分四時爲四卷者而曹倦圃輯學海類編則并其圖說佚之矣此仁和胡君珽藏本借得朱述之司馬本鈔出朱本出自天一閣范氏案前四卷僅總裁四時之景以下皆分載良辰令節五六七卷爲元旦八卷爲立春九卷爲人

鐵琴銅劍樓藏書目錄卷第十一

常熟瞿 鏞子雍

史部四

時令類

歲時廣記四十二卷鈔本

題廣寒僊裔陳元靚編前有劉純朱鑑序書凡四十卷前列圖說一卷後有總裁一卷是書世所傳本僅有四卷卽敏求記所載前列圖說分四時爲四卷者而曹倦圃輯學海類編則并其圖說佚之矣此仁和胡君珽藏本借得朱述之司馬本鈔出朱本出自天一閣范氏案前四卷僅總裁四時之景以下皆分載良辰令節五六七卷爲元旦八卷爲立春九卷爲人



日十至十二卷爲上元十三卷爲月晦中和節十四卷爲二社日十五十六卷爲寒食十七卷爲清明十八十九卷爲上巳二十卷爲佛日廿一至廿三卷爲端午廿四卷爲朝節卽夏至天貺節六月廿五日廿五卷爲三伏節立秋廿六至廿八卷爲七夕節廿九三十卷爲中元節三十一至三十三卷爲中秋三十四至三十六卷爲重九三十七卷爲小春下元三十八卷爲冬至三十九卷爲臘日交年節十二月廿四日四十卷爲歲除皆采宋以前子史中典故搜錄無遺惜第五卷全闕六卷中亦有殘佚矣

地里類

三輔黃圖一卷校本

不著撰人名氏陳直齋以爲漢魏間人所作隋志唐志皆作一卷明刻析作六卷非舊第矣毛氏展嘗以宋本校正明刊本顧氏廣圻從之傳錄有跋曰此毛斧季手校內一處構字作御名是用南宋高宗時刻本也首尾通爲一卷社稷條注元始云云乃後人采後漢書祭祀志添入者此本無之字句煩簡亦往往合於玉海諸書所引者足徵其本之佳矣惟陵墓條無校字其本似不載亦未詳其意余家又藏黃琴六錄本卽出自顧氏者也

歷代宮殿名一卷舊鈔本

題翰林學士承旨太中大夫守工部尙書知制誥上柱國臣李昉等奉聖旨纂此書作於開寶中見中興

館閣書目陳氏書錄解題其敘歷代以隋唐繼後周後魏西晉為正統以六朝北齊為僭偽宋時論統如

此書名專舉宮殿其實門闕樓觀苑池臺館無不畢錄舊藏稽瑞樓陳氏卷首有張鼎文印宣和中秘二朱記

右宮殿疏

元和郡縣圖志四十二卷舊鈔本

題金紫光祿大夫中書侍郎同中書門下平章事兼集賢殿大學士監修國史上柱國趙國公臣李吉甫撰并序又程大昌後序洪邁張子顏跋舊有圖宋時已失原闕第十九二十卷二十三二十四卷三十六卷其第十八卷闕其半二十五卷闕二葉是本舊為顧俛君藏書元和戈小蓮襄以朱筆參校卷末有顧

里題記云新刻不如此鈔本遠甚惜乏暇日審正

卷首有秀野草堂顧氏藏書印朱記

太平寰宇記二百卷舊鈔本

題朝奉郎太常博士直史館賜緋魚袋樂史撰并序此秀水朱氏藏本竹垞跋云鈔自濟南王祭酒池北書庫闕七十餘卷借傳是樓本補之尙闕河南道第四卷江南西道第十一至十七卷凡七卷各家藏本俱同蓋佚去已久世無完本矣每卷末有校勘數條亦出舊本不詳何人卷首有曝書亭珍藏朱彝尊印二朱記

新定九域志十卷舊鈔本

是書首卷殘闕撰人名無考然覈其書與宋王存等撰元豐志相似惟多古蹟一門晁氏讀書後志云九

域志有新舊本此殆卽新本也 四庫全書總目云  
崑山徐氏藏有宋槧本首卷四京及京東東路俱闕  
此本闕處同當卽從之傳錄

新編方輿勝覽十一卷

宋刊  
殘本

題建安祝穆和父編原書七十卷分十七路各係所  
屬州府軍於下今所存者卷六紹興府卷七慶元府  
衢州婺州卷八台州卷九瑞安處州卷十三興化軍  
漳州汀州卷十四建康府自第七葉  
以下缺卷十五首缺詳  
其事跡乃宣州也卷十六徽州池州卷十七南康軍  
卷十八信州饒州廣德軍卷十九隆興府袁州舊爲

項氏天籟閣藏書

卷首有錢卽維城項氏  
珍藏林佶丕烈諸朱記

輿地紀勝二百卷

影鈔  
宋本

題東陽王象之編有自序李璠序及曾一〇鳳劄子  
案象之字儀父金華人嘗知江寧縣是書世匙傳本  
近錢唐何夢華得影鈔宋本邑中張氏從之傳錄已  
闕第十三卷至十六卷第五十卷至五十四卷第一  
百三十六卷至一百四十四卷第一百六十八卷至  
一百七十三卷第一百九十三卷至二百卷凡三十  
一卷體例仿後漢書郡國志以行在所爲首書作於  
南宋嘉定十四年故行在所屬之臨安而一切沿革  
亦準是時每府州軍監分子目十二曰府州沿革曰  
縣沿革曰風俗形勝曰景物上景物下曰古迹曰官  
吏曰人物曰仙釋曰碑記曰詩曰四六世所傳輿地  
碑目卽從之鈔出者案楊升庵跋岫嶠碑有引此書

云禹碑在岫巖峯又傳在衡山縣雲密峯昔樵人曾見之自後無有見者宋嘉定中蜀士因樵夫引至其所以紙打其碑七十二字刻於夔門觀中後俱亡今覈此本衡州碑記門有岫巖碑注惟載韓文公詩而無升庵所引語則是書所存已多殘闕非復完帙矣

元一統志七卷

舊鈔殘本

題集賢大學士資善大夫同知宣徽院事臣李蘭盼昭文館大學士中奉大夫秘書監臣岳鉉等上進案秘書監志至元二十二年乙酉世祖命集賢大學士行秘書監事札馬刺丁與秘書少監虞應龍輯大一統志成宗大德初復從集賢待制趙忭請重修書成藏之秘府至正六年始刊行之全書一千三百卷此

存蜀省均州一卷房州一卷通安州一卷鄜州二卷葭州三卷其書分縣編次紀載分明不同明一統志之府縣合併也

吳郡右總志

吳郡圖經續記三卷

校本

宋朱長文撰有自序及常安民林慮祝安上孫佑等序跋明錢叔寶刻本鈔自沈辯之復以崑山葉子寅所藏宋本校誤自較近刻為優此從楊五川影鈔宋本校過尙存舊本真面目也別有錢遵王藏本一冊亦鈔自宋刻

卷首有錢曾彭城楚殷氏讀書記錢興祖印孝脩諸朱記

乾道臨安志三卷

舊鈔殘本

宋周淙撰原書十五卷此存第一卷至第三卷杭州

孫晴崖得宋槧殘本於京師一時錄副以傳有厲氏  
鶚杭氏世駿二跋俱見本集卷首有吳興陸三南  
琨一字春塘二朱記

淳熙三山志四十二卷舊鈔本

宋梁克家撰并序原書四十卷其第三十一三十二  
兩卷進士題名乃朱貔孫續入其分九門其人物一  
門專詳科第不載事實陳氏書錄宋史藝文志俱作  
長樂志直齋謂其時陳止齋通判州事志多出其手  
也後有錢竹汀跋

吳郡志五十卷宋刊本

題吳郡范成大撰前有紹定二年泮人趙汝談序目  
錄後有校勘者何漳劉九思李起汪泰亨李宏結銜  
四行汲古毛氏刻本有脫佚處如第十一卷末二葉

牧守題名吳淵下脫去鄭霖余晦余天任趙與訔趙  
汝歷趙與篋六人與篋雖複出其敘受官年月不同  
書刻於紹定初乃牧守題名又列淳祐寶祐到任諸  
人當是後人遞有增加非原本矣每半葉九行行十  
入字注字同

刻錄十卷鈔本

宋高似孫撰并序又史安之序此書敘述簡雅世推  
重之其先賢傳多取晉雜史及王謝氏家譜一一注  
其所出爲自來志乘所未有古令長已載謝奕而先  
賢傳又列之亦剽例也

嘉泰會稽志二十卷明刊本

宋紹興府通判施宿及郡人馮景中陸子虞朱肱王

度等撰序之者陸放翁時年七十七矣子虞卽放翁子也

會稽續志八卷

明刊本

宋張溥撰并序續記嘉泰辛酉以後事兼補前志之遺如進士題名之類皆其所增書成於寶慶元年宋刻久佚明正德間郡守石某屬邑人王縱訪舊本校刻之卷末有正德五年龍集庚午九月初吉重刊一行

嘉定鎮江志二十二卷

鈔本

不著撰人案陳氏書錄曰鎮江志三十卷教授天台盧憲子章撰今檢是書第五卷有憲謹釋者二條第二十二卷有盧憲論曰二條其為盧氏志無疑惟卷

數不同乃出後人重編耳中有注續增添字者亦後所加非原本也

嘉定赤城志四十卷

明刊本

宋陳耆卿陳維林表民等同撰有陳氏自序謂郡守青社齊碩屬其纂成陳氏書錄曰志前有圖十三此本僅存圖十佚其三矣舊為毛氏藏書

卷首有汲古閣朱記

寶慶四明志二十一卷

鈔本

宋羅濬撰有圖四葉其書成於寶慶而卷中及紹定以後事乃出後人增訂非原本矣

寶慶四明續志十二卷

鈔本

是書簡端有序題開慶元年迪功郎慶元府學教授梅應發奉議郎添差沿海制置大使司主管幾宜文

字新添差通判鎮江府劉錫百拜謹書蓋二人同纂之書也書成於開慶而題曰寶慶者承前志而言專紀吳丞相潛判慶元府時政事後附吟藁二卷詩餘二卷爲志乘創體履齋著作藉是以傳是書向來與寶慶志藏書家皆未見自謝山全氏得宋槧本於陸參政懋龍家後歸趙谷林錄副以傳

澉水志八卷

鈔本

宋常棠撰并序又羅叔韶序澉浦見水經唐時置鎮宋時設官紹定三年監鎮稅修職羅叔韶使棠爲志凡十五門詞簡事覈後二十七年鎮尹孫某鐫板以傳鄉鎮有志始此書

淳祐臨安志六卷

鈔殘本

不題撰人張月霄氏曰是書所載事蹟至淳祐止稱理宗爲皇上其爲施諤所撰淳祐志無疑原書卷數未詳今存第五卷至第十卷城府山川二門前有小序議論詳贍異於他志其二門中諸子目咸淳志實本之各條下所采詩文互有詳略雖不全本亦可資考證也

景定嚴州新定續志十卷

鈔本

宋鄭瑤方仁榮同撰曰新定者當時刊附紹興舊志後今舊志不傳惟存是書有方逢辰序上方朱筆從宋刻校過

嚴州圖經三卷

影鈔宋本

宋嚴州郡守陳公亮修前有紹興己未知軍州事董

彞序及淳熙丙午州學教授劉文富序王氏輿地紀  
勝陳氏書錄馬氏通考俱作新定志卽此書也此從  
淳熙刻本鈔出卷首載建隆元年太宗皇帝初領防  
禦使詔宣和三年太上皇帝初授節度使制及敕書  
榜文二道蓋修志時高宗猶在德壽宮故稱太上也  
前有圖九葉卷一新定郡卷二建德縣卷三淳安縣  
其體例先以歷代沿革次分野次風俗次州境次城  
社次戶口次學校次科舉次廨舍次改充次館驛次  
軍營次坊市次橋梁次溝渠次物產次土貢次課利  
次祠廟次古跡次賢牧次正倅題名添倅題名次學  
校登科記次人物次碑碣終焉惜卷三古蹟後已脫  
佚矣

咸淳臨安志一百卷

舊鈔本

宋潛說友撰并序此本舊爲何夢華所藏鈔自毛氏  
所得宋槧本闕第六十四卷第九十卷第九十八至  
第一百卷凡五卷莫由補全近振綺堂汪氏刻本亦  
仍其闕可知世無他本矣

卷首有何元錫印  
何敬祉氏二朱記

重修琴川志十五卷

影鈔元本

宋鮑廉撰元盧鎮修吾邑有志初自慶元丙辰縣令  
孫應時淳祐辛丑令鮑廉與邑士鍾秀實胡淳哀輯  
增益始克成編凡分敘縣敘官敘山敘水敘賦敘兵  
敘人敘產敘祠敘文十二門逮元至正乙巳令盧鎮  
卽舊本校刊曰重修者據自序謂舊所未載各附卷  
末則於鮑志實未有更易也故仍題鮑名有鎮自序



戴良序及丘岳褚中舊序邑中言氏藏有元刊本從之影寫前有圖五汲古照曠兩家刻本俱無之原本有邑人龔氏立本手跋云此書邵兵部麟武初得於興福寺而失去一卷予從借觀兵部別以鈔本相示邑中好事間為傳寫兵部歿後原本歸許文學毀美予又從借觀則失者已全叩之迺南都書肆偶留殘帙為文學所購也嗟乎延平之劍越三百年離而復合真非偶然兵部珍藏於昔文學哀集於今俱可嘉尙感而記之崇禎己巳初秋又言氏朝楫跋云琴川志余家所藏各圖皆全忽為當事者借觀索還日圖少幾頁歎惋久之嘉慶十年五月

玉峰志三卷續志一卷

舊鈔本

宋凌萬頃邊實同撰有萬頃自序及項公澤跋續志邊實撰有實自序及謝公應跋案萬頃字叔度景定三年進士本陽羨人父為崑山顏氏婿因家焉實上世居開封曾祖惇德始居崑山淳祐王子歲項公澤為邑令屬二人同纂斯志咸淳壬申歲邑令謝公應復屬實續編之刻梓以傳宋時縣志今傳世者惟高氏刻錄鮑氏琴川志黃氏仙溪志及此志耳舊為稽

瑞樓藏書

仙溪志四卷

鈔本

題迪功郎興化軍仙遊縣尉黃巖孫編有自序及陳堯道劉克莊序巖孫字景傳溫陵人書作於寶祐丁巳而進士題名及咸淳景炎後人次第增入非原本

矣其書紀載甚略惟人物差詳

嘉禾志三十二卷

舊鈔本

元徐碩撰此書作於至元中本岳倦翁舊志而增廣之詳載碑志多至十卷故見重金石家但有登科題名而無守令題名此其闕失也有至元戊子郭晦唐

天麟二序

類編長安志十卷

舊鈔本

題京兆路儒學教授駱天驥纂開成路儒學教授薛延年校正是書取宋氏志稍增金元間沿革故事而分門條繫之如詩文之有分類然地志無此體也舊為崑山葉九來藏書

卷末有南陽叔子苞印及二泉下學齋書畫記諸朱記

大德昌國州圖志七卷

鈔本

元馮復京郭薦等撰并序昌國今定海縣宋曰昌國縣元升為州書曰圖志而其圖已佚宋元邑志俱簡要觀此志與澈水仙溪志可見明康氏韓氏之書亦宗之

延祐四明志二十卷

鈔本

元袁桷撰原闕第九卷至第十一卷文清為文章名家此志世亦重之惟全謝山氏謂其有是非失實之憾

齊乘六卷

明刊本

元于欽撰此書辭約事覈世稱善本欽歿後其子潛出其書蘇氏天爵序而刊之前有釋音潛所述也此明青州守杜思重刻本有思刊板序

至順鎮江志二十一卷鈔本

不著撰人姓氏此與嘉定志俱有脫誤後人意為分合俱非原帙之舊然所紀互有詳略二志正不可偏廢也所分子目卷十三有囹圄類卷二十一有談笑類為自來志乘所無舊藏愛日精廬

金陵新志十五卷元刊本

題前奉元路學古書院山長張鉉輯有索元岱序書成於至正三年明年本路儒學刊板首列修志文移修志本末及引用書目此猶原本也舊藏金壇蔣氏卷首有內翰金壇蔣超藏書朱記

崑山郡志六卷鈔本

元楊諲撰楊維楨序諲字履祥浦城人自號東溪老

人晚居崑山工詩文崑山本縣元升為州故題郡志楊序謂二十二卷而此止六卷但有風俗等十五門而建置沿革水利賦役戶口學校等俱闕焉其非足本可知敘述簡而有要尚合宋人地志之體舊為嘉定陳妙士藏書錢竹汀氏錄副以傳有跋見集中

右都會郡縣

水經注四十卷舊鈔本

舊題桑欽撰酈道元注此明人鈔本以世所傳趙清常校本與柳大中鈔本覈之字句悉合蓋從宋刻鈔出者酈序雖殘闕猶存其半也舊為松江吳氏藏書卷首有吳省欽印白華二朱記

四明它山水利備覽二卷鈔本

宋魏峴撰并序又明崇禎辛巳陳朝輔序書作於淳  
祐初四明舊志嘗引之傳本已稀朝輔得成化間人  
鈔本校訂重刻

上虞縣五鄉水利本末二卷

明刊本

元陳恬撰恬字晏如上虞人其地有三湖曰夏蓋曰  
上妃曰白馬邑中永豐上虞寧遠新興孝義等鄉之  
田皆賴水利以治而通塞不常晏如因撰此書詳載  
疏治圍築啟閉蓄洩之法兼及沿革興復事實以至  
誌刻公牘前列四圖俾後人遵行不廢其有功於是  
鄉大矣書成於至正二十二年有劉仁本楊翮序刻  
板久佚嘉靖丙申邑令汝陰張光祖序而重刻之舊  
爲陳子準氏藏書卷首有稽瑞樓朱記

河防通議二卷

鈔本

元沙克什撰并序金人有此書不著撰者姓氏又有  
沐本題沈立撰沙克什策二本而釐訂之書成於至  
治元年至元四年嘉興路總管元昇序而刻於學

右河渠

北邊備對一卷附北轅錄一卷

鈔本

宋程大昌撰并序書成於紹熙二年其自序謂追憶  
淳熙初孝宗詢及北方地里因采古來中華北狄樞  
紐相關者條列而推言之後附北轅錄一卷宋周燁  
撰記敷文閣待制張子政使金賀生辰事燁疑爲從  
行者兩書本不相附裝訂時以類合爲一冊並從錢  
遵王本傳錄

東南防守利便三卷

舊鈔本

宋呂祉撰祉字安老建陽人宣和初進士仕至兵部  
尙書督府參謀軍事以酈瓊叛死難事迹詳宋史其  
知建康府時與通判吳若安撫使陳充共作此書卷  
首有進書狀大意謂立國東南當聯絡淮甸荆蜀之  
勢臨安僻在海濱若移蹕江上可繫南北離散之心  
也舊爲金竹山房藏本

右邊防

廬山記三卷附廬山紀略一卷

鈔本

宋陳舜俞撰首卷總敘山篇第二卷敘山北篇第三  
卷敘山南篇陳氏書錄作五卷此闕其二矣自序云  
錄唐以前碑記今無之直齋曰劉凝之李公擇皆有

序今亦佚去矣廬山紀略乃釋惠遠所作出後人附

錄非原本也

赤松山志一卷

鈔本

宋道士倪守約撰并序山在婺郡卽金華山是志作  
於咸淳間述神仙真人靈異并錄宋時制誥以矜光  
寵道流之筆語涉凡鄙

茅山志十五卷

元刊本

題上清嗣宗師劉大彬造前有泰定甲子集賢大學  
士光祿大夫西秦趙世延序泰定丁卯特進上卿元  
教大宗師吳全節序天曆元年大彬自序後有延祐  
泰年前翰林學士承旨榮祿大夫知制誥兼修國史  
趙孟頫序序後有金華道士錢唐西湖隱真庵開山

何道堅施梓一行是書復有永樂間姚少師刻本胡氏儼序謂原本爲句曲外史張雨所書至爲精潔卽此本也

仙都志二卷

舊鈔本

元道士陳性定撰此仙都山在括蒼縣卽縉雲山道家謂洞天第二十九蜀亦有仙都山道經謂第四十二福地則在鄆都縣境此書凡分六門曰山川曰祠宇曰神仙曰高士曰草木曰碑碣題咏作於至正中有無名氏序

天台山志一卷

鈔本

不著撰人姓氏卷末有前至元間桐柏道士王中立遭遇世祖皇帝宣授仁靖純素真人云云則爲元人

所作殆順帝時也

右山川

洛陽伽藍記五卷

明刊本

題魏撫軍府司馬楊銜之撰有自序此如隱堂刻本較綠君亭本爲佳舊爲吳頊儒丈藏書內第一卷第二卷並有缺葉以顧澗蕢校本鈔補

卷首有吳卓信印頊儒二朱記

長安志二十卷附圖說三卷

舊鈔本

題龍圖閣直學士右諫議大夫修國史特贈尙書禮部侍郎常山侯宋敏求撰後附圖說三卷元東明李好文撰陳伯玉謂漢唐舊都遺事此書最詳此吳伊仲鈔汪退谷藏本復以竹垞本校過四庫所收本缺趙彥若序此本有之嘉靖本多闕筆空白此本皆

不闕原出宋本也有黃虞稷跋曰是本舊爲陶爾成所藏今歸朝爽閣中爾成嗜書所藏多叢雜當以此書爲第一庚寅菊月之廿三日又有汪士鋐跋曰此書人間久已絕少丁亥歲奉命纂修方輿路程因於織造曹銀臺處借鈔得之真可寶愛閱者無忽視之也壬寅九月十三日秋泉居士記又吳翌鳳手跋曰乾隆戊戌春日假得朱文游所藏汪退谷本其中誤闕尙多冬至後四日督率門徒寫完又跋云壬寅三月借海寧吳君葵季所藏竹垞鈔本校對一過改正數百字聞海鹽張氏有宋刻本當託吾友文魚借校也時癸卯十二月二十日又跋曰丙午夏日從畢氏新刻本對校畢本譌闕尙多非善本也

雍錄十卷

明刊本

宋程大昌撰明西安郡守汝南李經序而刊置郡齋又有康海序校之者錫山安國也安氏所刻諸書校讐皆善

右古蹟

北戶錄三卷

舊鈔本

題萬年縣尉段公路纂登仕郎前京兆府參軍崔龜圖註有陸希聲序公路是書作於廣州皆紀其地物產案史記秦紀南盡北戶顏師古注漢書日南郡在日之南所謂開北戶以向日者書名北戶以此別本題名中脫去崔字遂致誤認公路同族此本目錄後有臨安府太廟前尹家書籍鋪刊行一行是從宋本

傳錄者

桂林風土記一卷

鈔本

題銀青光祿大夫檢校左散騎常侍使持節融州諸軍事守融州刺史御史大夫莫休符撰并序此郡人張青芝鈔本卷末并錄無名氏題記云洪武壬戌三月傳錢唐宜齋沈勗義產忠父藏本又有萬曆丁酉秋日拙修子跋云此記為長溪沈氏藏本項庭堅舅假出示余因得錄之奈譌字太多當校正重寫云云卽竹垞老人所見本也中有唐人佚篇今全唐詩皆據以錄入矣其自序曰前賢撰述有事必書故有三國志荆楚歲時記湘中記奉天記惟桂林事迹闕然無聞休符因退居粗錄見聞曰桂林風土記聊以為

敘時唐光化二年九月二十三日序是書舊藏士禮

居有黃蕘圃跋云余此書係郡先輩張青芝先生手

鈔卷端鈐張位小印卽其姓名也蕘翁復借得竹垞

校秀野草堂本及吳枚庵所鈔江藩本重校之并錄

竹垞跋曰桂林風土記唐光化二年融州刺史莫休

符撰新唐書藝文志作三卷今祇存一卷閩謝在杭

小草齋所錄舊藏徐惟起家卷尾稱獲諸錢唐沈氏

是洪武十五年鈔傳雖非足本中載張固盧順之張

叢元晦路單韋瓘歐陽曠李渤詩采唐音者均未著

於錄洽聞之君子亟當發其幽光者也康熙戊子閏

月竹垞八十翁識

幽蘭居士東京夢華錄十卷

舊鈔本



宋孟元老撰并序又趙師俠序邑人孫竹鄉藏本據淳熙丁未刻本校卷首有孫洪朱記別藏明刊本一冊卷末

有題字一行云弘治甲子重新刊行

六朝事跡編類二卷舊鈔本

宋張敦頤編并序又韓仲通序邑人馮彥淵家藏舊

本其子武假得宋本上卷校過宋板注俱雙行細書

每半葉十行行十八字武有手跋見張氏藏書志卷首

有馮氏藏本朱記

會稽三賦三卷宋刊本

宋王十朋撰其會稽風俗賦題剡溪周世則注郡人

史鑄增注有序其民事堂蓬萊閣二賦題愚齋處士

注卽鑄也案此三賦不載忠文集中乃官越簽幕時

作卽廷試第一之年冬月也卷首有嚴充私章朱記

會稽三賦一卷明刊本

是書爲明渭南南逢吉注前列紹興府圖并說後有

明人跋云崇禎丁丑閏四月收自吳閫舟過婁東止

旅舍閱此稽舟五日以備兵使者對簿也子牧識別

藏補註三卷明上虞尹壇所撰以補逢吉之未備前

有朱啟元序亦明時刊本也

中吳紀聞六卷明刊本

題崑山龔明之前有弘治七年慈溪楊子器序後有

至正二十五年武寧盧熊舊跋自毛斧季於葉九來

借得菜竹堂藏本從盧公武本錄傳者改正一百三

十餘處多翟超一則遂爲此書善本此本所校正者

酒蔣篁亭借義門校本錄傳卽葉氏本也卷首有滋蘭堂藏書

朱記

都城紀勝一卷舊鈔本

題灌圃耐得翁撰不著姓氏案自序作於端平乙未

宋理宗十二年也所記皆閭閻雜事

蒲陽比事七卷舊鈔本

宋李俊甫撰有陳讜林瑒序是書見宋史藝文志曩

時諸家書目不載近阮氏經進書目張氏藏書志皆

著錄矣舊爲陳子準氏藏本卷首有稽瑞樓朱記

吳中舊事一卷舊鈔本

元陸友仁撰并序書中述紹興間得東漢高彪碑彪

爲外黃令與後漢書彪傳遷內黃令異又謂張籍吳

郡人與唐書本傳作烏江人異亦有資考證也世有

刊本脫譌不少此爲隆慶間顧德育鈔本有跋云余

嘗見陸友仁書吳中舊事一卷於衡山先生几上後

數年過蒼雪館見已裝帙且用松雪翁印印之遂假

歸亦錄一冊仍繫徐顯克昭所著友仁小傳於後以

見非松雪翁筆也隆慶改元丁卯四月安雅生顧德育

育記時年六十有五

平江記事一卷元刊本

題建德總管郡人高德基無序跋書作於至正中所

紀佚聞雜事足資郡邑志采擇亦陸輔之吳中舊事

之類舊爲寶山毛生甫所藏有李申耆跋云是書寥

寥四十餘則而疏證方志頗見明通隨舉軼聞亦間

有足裨元史之漏者尙是元刊元印楮墨精好可愛  
生甫以賤估獲之廢書肆裝以示子喜而識之道光  
十有七年在揚州都轉署

右雜記

遊城南記一卷

鈔本

宋張禮撰并自注各條下有續注不詳何人注中所  
引有長安志而無韋氏西京記豈其時已佚耶

遊志續編一卷

鈔本

元陶宗儀編宋陳仁玉嘗有遊志一編九成擬續之  
首錄其序目繼列已所采前人遊覽之文五百年來  
編殘簡斷有藉是本以傳者舊出錢叔寶鈔本

長春真人西遊記二卷

舊鈔本

題真常子李志常述專記其師邱處機事蹟曰遊記  
實括其一生也有孫錫序處機字通密號長春真人  
元太祖召居天長觀禮遇優渥著有蟠溪集六卷記  
中多述神異乃道家之常其隨地題句亦多清曠之

作

右遊記

宣和奉使高麗圖經四十卷

校宋本

題奉議郎充奉使高麗國信所提轄人船禮物賜緋  
魚袋臣徐兢撰并序又從子蕙後跋附張孝伯撰行  
狀此書有乾道三年刻本圖已不存明季海鹽鄭休  
仲重刻脫文至數千字又有錯簡處近鮑氏所刻雖  
勝鄭本亦多脫誤此本出舊鈔毛斧季復以宋本校

正其第四十卷儒學條中雞林之人引領嘆慕至以下舊脫一葉是本尚全其文曰一金易一篇用爲規範則其用心可知矣觀夫倭辰餘國或橫書或左畫或結繩爲信或鏤木爲誌各不同制而麗人乃摹寫隸法取正中華至於貨泉之文符印之刻舉不敢妄有增損字體者是宜文物之美侔於上國焉炎宋肇興文化遠被稽首叩關請爲藩臣其使者每至來朝觀國之光歆豔晏粲歸而相語人益加勉淳化二年廷試天下士彼亦賓貢其人來獻文藝太宗皇帝嘉之用擢其數內王彬崔罕等進士及第授將仕郎守祕書省校書郎津遣還國時國王治上表致謝詞甚感哉神宗皇帝憫俗學之弊命訓釋三經以發天下

蔽蒙特詔賜其書本俾之獲見大道之純全主上不承先志推廣舍法又賜其來學子弟金端等科名以歸於是靡然以下宋本每半葉九行行十七字書中涉宋帝及詔賜字皆提行每卷有虞山毛扆手校朱記

右外紀

鐵琴銅劍樓藏書目錄卷十一終

鐵琴銅劍樓藏書目錄卷第十二六月十日

常熟瞿鏞子雍

史部五

職官類

大唐六典三十卷

明刊本

唐玄宗御撰集賢院學士兵部尚書兼中書令修國史上柱國開國公臣李林甫等奉敕注上是書紹興四年刻於温州郡學此正德間重刻本有詹榘跋及王文恪公鏊刊板序

麟臺故事三卷

鈔殘本

題紹興元年七月朝請郎試秘書少監程俱記所載秘書省故事唐時嘗改秘書為麟臺故以名其書原

本五卷凡十二篇今闕第四第五兩卷卷一曰官聯  
曰選任卷二曰書籍御製御書附曰校讐卷三曰修  
纂曰國史凡六篇合永樂大典本所有六篇恰完十  
二篇之舊而大典本缺書籍校讐國史三篇則此本  
有之也其末葉有錢叔寶題識云隆慶元年八月十  
日蘇州府前杜氏書鋪收審係真蹟可貴也舊藏吳  
中人士家黃氏丕烈從之傳錄跋曰是書爲影宋舊  
本與聚珍板命篇敘次多異書賈攜來手校一過後  
歸於西酌草堂遂倩余友胡葦洲轉假影錄一冊積  
想頓慰是書陳錄云五卷爲書十有二篇今劄云三  
卷就不全本影寫時改五爲三也於每卷填上中下  
字欲泯不全之跡嘉慶甲戌六月十有一日

宋中興百官題名一卷

鈔殘本

陳氏書錄謂臨川何異同叔撰凡五十卷始建炎終  
泰定嘗刻於浙漕司今舊本不可得此惟翰林學士  
題名一卷潛研錢氏從永樂大典錄出淳熙至嘉定  
四十餘年詞臣拜罷姓氏悉具可補洪氏翰苑羣書  
所未及後附宋紹興十八年進士題名記元延祐甲  
寅江西鄉試石鼓賦八篇至正十年二十一年山東  
鄉試題名記至正十一年進士題名記至正庚子國  
子監貢試題名記至正丙午國子監公試題名記並  
鶴溪居士王鳴韶從錢氏借鈔彙爲一編此其傳錄  
本也

南宋館閣錄十卷續錄十卷

鈔本

宋陳騭撰李燾序續錄無撰人名世所傳本多闕謫  
此永樂大典本惟闕前錄沿革一門續錄虞祿一門  
後有徐紹乾跋云琳琅主人以所藏宋槧見示因爲  
重校一過所缺范鍾一葉亦補完之戊午秋日

宋宰輔編年錄二十卷

明刊本

宋徐自明撰是書寶祐間自明子居誼嘗刻於永福  
縣學後漸亡佚萬曆間河南王損仲欲重纂宋史搜  
得其書於焦弱侯處已闕二卷遂付諸梓刻成之後  
督學呂邦燿復於周藩宗正伯榮氏得宋刻殘本二  
卷因補刻之是書遂獲流傳於世有寶祐五年陸德  
興趙某陳昉章鑄等序及萬曆戊午陳邦瞻王惟儉  
呂邦燿等序

秘書監志十一卷

舊鈔本

元王士點商企翁同撰凡記至元以來秘書省故事  
分門十九曰職制曰祿秩曰印章曰解字曰分監曰  
書籍曰公移曰十物曰紙劄曰食本曰公使曰守兵  
曰工匠曰雜錄曰纂修曰秘書庫曰司天監曰表箋  
曰題名案元史至元二十七年立興文署召集良工  
刊刻諸經子史板本此書載至元十年十一月太保  
大司農奏興文署掌雕印文書交屬秘書監本署設  
官三員令一員丞二員校理四員楷書一員掌紀一  
員雕字匠四十名作頭一匠三十九印匠十六又至  
元十四年十二月中書省奏奉旨省併衙名興文署  
併入翰林院是興文非設自至元二十七年也可正

元史之譌

右官制

作邑自箴十卷

影鈔宋本

宋李元弼撰并序是書論為政之要自一至四卷分正已治家處事三門凡一百三十餘條其下四卷列規矩一門百有餘條第九卷為判狀印板第十卷為登途須知備急藥方作於政和中刊於淳熙中傳本甚稀見直齋書錄文淵閣書目卷末有淳熙己亥中元浙西提刑司刊一條每半葉十一行行十九字舊為稽瑞樓藏本

官箴一卷

明刊本

宋呂本中撰此明成化戊子河東邢遜之讓為國子

監祭酒手寫以刻書兼行楷古雅可愛讓有後跋

右官箴

政書類

太平寶訓政事紀年五卷

鈔本

不著撰人名氏書中稱高宗為太上皇帝當出孝宗時人所編卷首有題識云以富公弼所進太祖太宗眞宗三朝寶訓及林公希所進仁宗英宗兩朝寶訓國朝會要事實類苑編年之書與夫建隆以逮紹興詔令指揮歷朝名臣章奏之集言行紀錄搜括殆盡以成是編其云富公三朝寶訓即直齋書錄所載之政典三朝政要玉海所載之太平故事館閣書目作寶訓直齋已辨其非此猶沿其誤也



右寶訓

通典二百卷

宋刊本

題京兆杜佑字君卿纂前有貞元十年進書表及李翰序自序序後接每門之目目後即接本文原本存一百廿卷餘鈔補全每半葉十五行行二十八字一百五十六八九卷末有鹽官縣雕四字案宋鹽官屬兩浙路臨安府今為杭州府海寧州治書中貞徵敬殷恆桓完字有關筆而構字不闕尙刻於北宋時也舊為傳是樓藏書繼入吳中故家後為嘉興金轡庭所得五十年後復歸吳郡亦良緣也惜鈔補者非出善本尙多譌字卷首有徐乾學印健庵二朱記

增入諸儒議論杜氏通典詳節四十二卷

元刊本

不題撰人姓名亦無序跋首載通典原序每門後附錄宋人議論之文所列諸儒姓氏自歐陽公至水心葉氏俱注有文集見行當是南宋人所輯科舉之書也目錄後有至元丙戌重新繡梓一行有以為宋時麻沙刻本者殆偶未見此條耳

卷首有振藻堂藏書印朱記

唐會要一百卷

舊鈔本

題推忠協謀佐理功臣光祿大夫守司空兼門下侍郎同中書門下平章事監修國史上柱國太原郡開國公食邑二千戶食實封四百戶臣王溥纂是書原闕第八卷郊儀第九卷雜郊儀妄人以他文雜入充盈卷數七卷十卷亦多錯雜此稽瑞樓藏本中有朱筆校過較竹垞氏所見本尙多九十三九十四兩卷

五代會要三十卷 舊鈔本

題推忠協謀佐理功臣光祿大夫守司空兼門下侍郎同中書門下平章事監修國史上柱國太原郡開國公食邑一千戶食實封四百戶臣王溥纂總目每卷皆標書名每卷首皆有目今刻本已易去舊式矣是書慶曆六年文潞公嘗刻於蜀乾道七年施元之復以范魯公五代通口合刻於江陰兩公並有後跋其足以證今本之譌者如卷一帝號門明宗使相三十八人注中脫去王晏球一人致其數不符今本八改七非是卷二十五租稅雜錄門每年秋夏徵科了畢核以上文科配斂掠則徵科為是今本科作料亦非又舊本分條今本每多併合處矣舊為紅豆齋惠

氏藏書後歸西芷王光祿復歸黃氏士禮居竹汀錢氏嘗借自黃氏手刊其誤數條並跋云借人書籍不但不損污并能為人訂正譌舛近日頗能行之此亦大書足以代一瓿乎大昕戲題復有竹垞老人跋松崖所

錄也 卷首有惠棟之印定字王鳴盛印西莊居士諸宋記

文獻通考三百四十八卷 元刊本

宋馬端臨撰并序前有王壽衍進書表又李謹思序初刻於泰定元年實板西湖書院後有關失至正五年江浙儒學提舉余謙訪得原槁於其子志仁重為訂正補刊印行於世是本舊藏崑山葉氏 每卷有葉文莊公家

世藏朱記

大書右通制

大唐開元禮一百五十卷

舊鈔本

唐蕭嵩等奉敕撰張氏藏書志載有周必大序此缺凡序例三卷吉禮七十五卷賓禮二卷軍禮十卷嘉禮四十卷凶禮二十卷草創者爲徐堅李銳賈登張垣施敬本陸善經洪孝昌成之者則蕭學士嵩王舍人仲邱也唐時以之設科習者授太常官而士之明禮者遂多其制最善是本鈔白甚舊中有朱筆詳校不著何人

大唐郊祀錄十卷

鈔本

題朝散郎前行河南府密縣尉太常禮院修撰臣王涇上前有進書表是書作於貞元中考次歷代郊廟享祀及有唐因革故事首三卷爲郊祀凡例四至七

曰祀禮八曰祭祀九十日饗禮一代典制略備中隨文注釋亦有考證原本有圖今已佚見崇文總目書錄解題文淵閣書目

太常因革禮一百卷

鈔本

題推忠協謀佐理功臣光祿大夫行尚書吏部侍郎參知政事上柱國樂安郡開國公食邑三千三百戶食實封八百戶臣歐陽修等奉敕編有進書序及李壁後序晁氏讀書志題姚闢蘇洵撰云嘉祐中歐陽修言禮院文書放軼請禮官編修六年用張洞奏以命闢洵至治平二年乃成詔賜以名案宋時禮書有開寶通禮禮閣新編已佚此書傳本亦尠四庫未經採進近有好古之士訪求鈔藏已闕卷五十一至

六十七共十二卷安所得淳熙刻本而補足之書分  
八類曰總例曰吉禮曰嘉禮曰軍禮曰凶禮曰廢禮  
曰新禮曰廟議始建隆迄嘉祐巨細畢載歐陽公序  
謂以通禮爲主而記其變凡變者皆有所沿於通禮  
也其無所沿者謂之新禮通禮所有而建隆以來不  
復舉者謂之廢禮凡始立廟皆有議論謂之廟議其  
餘皆用通禮條目凡百篇當時國史謂三輯禮書嘉  
祐尤悉誠讀史者必當備之書也此元和顧氏思適  
齋鈔藏本卷首有顧千里印  
一雲散人二朱記

政和御製冠禮十卷五禮新儀二百二十卷舊鈔本

宋議禮局官知樞密院事鄭居中等奉敕撰前有徽  
宗御製序及御筆指揮局官劄子以御製冠禮十卷

冠首後列吉賓軍嘉凶五禮凡官民之制具詳舊闕  
第七十四卷第八十八至九十卷第一百八至一百  
十二卷第一百二十八至一百三十七卷第二百零卷  
皆有錄無書其第七十五九十一九十二三卷中亦  
多殘闕案宋史大觀初設議禮局以知樞密院事鄭  
居平刑部尙書白時中慕容彥逢學士強淵明等十  
四人主之疑義許具劄子上請故是書卷首詳載局  
官累上諸劄徽宗疊降御筆指揮歷七載而後成書  
北宋典章略備自後世拘於成敗之迹并此書亦視  
若弁髦以致日就零落殘編僅存惜哉

大金集禮四十卷鈔本

不著撰人黃俞邵千頃堂書目謂金章宗明昌六年

禮部尚書張暉等所進今案書中雍字稱御名則當成於大定之世舊闕第十二卷至十七第二十六卷第三十三卷此陽湖孫氏藏本卷面篆書書名淵翁筆也

廟學典禮六卷

鈔本

元人所撰不著姓氏亦無序跋其書凡涉聖廟學官儒生之制一時詔旨悉錄之卷首列應繙繹之字句數十條蓋書中間存蒙古語未盡改去也

卷首有曾在當湖胡

朱記

聖朝通制孔子廟祀一卷

元刊本

至正二年正月二十二日集賢院奏准孔子廟祀條格詳列省注釋奠迎神捧俎徹豆送神望瘞諸儀大

約依朱文公檢到政和五禮新儀後有正配位陳設之圖從祀陳設之圖大成殿圖棗竹堂書日有釋奠

格例一冊卽此書也

卷首有嗣盛印章朱記

右典禮

大元海運記二卷

舊鈔本

不著撰人從經世大典中海運一門錄出經世大典已佚僅見永樂大典中此書上卷分年紀事多錄案牘之文自至元十九年迄皇慶二年止下卷分類紀事曰歲運糧數曰收江南糧鼠耗則例曰南北倉鼠耗則例曰再定南北糧鼠耗則例曰排年海運水腳價鈔曰漕運水程日記標指淺曰測候潮汛應驗曰艘數裝泊昔杭人徐泰亨以漕事至京師詣都堂陳

漕運之弊當更張者十事有海運紀原七卷惜其書不獲見幸有此編尚可參考而得其略

右邦計

補漢兵志一卷

影鈔宋本

題白石先生錢氏撰有嘉定甲戌門人陳元粹序嘉定乙亥門人王大昌跋案序謂白石先生名文子字文季世居樂邑白石山下跋後另行記有大昌於是六年九月鏡板漕解益廣其傳一條每半葉七行行十三字小注十七字

右軍政

故唐律疏議三十卷

元刊本

題唐太尉楊州都督監修國史上柱國趙國公長孫

無忌等撰前有進書表每卷後附釋文纂例元奉訓大夫江西等處行中書省檢校官王元亮撰有劉有慶及無名氏序序後有至正辛卯孟春重校一行又墨圖記二行云崇化余志安刊於勤有堂又柳贊序後有至順壬申五月印一行卷末有考亭書院學生余資編校一行舊爲泰興季氏辛夷館藏書案此書進表中注釋及本文有注字者無名氏序謂此山貫治子釋文也卷後之釋文則王元亮所爲釋文纂例當時自爲一書刊書者併入之耳顧澗蕢氏爲陽湖孫氏繙雕是書序謂元亮將此山貫治子原釋重編刪併而以卷中有注字者爲刪併未盡而偶見之恐

未必然

卷首有季振宜印滄葦季振宜藏書辛夷館諸朱記

律十二卷音義一卷

影鈔宋本

律文不題名音義題翰林侍講學士中大夫尚書兵部侍郎兼羣牧使判國子監太常禮院上柱國樂安郡開國公食邑二千二百戶食實封四百戶賜紫金魚袋臣孫奭等撰案隋文帝開皇初定新律十二門日名例曰衛禁曰職制曰戶婚曰廩庫曰擅興曰賊盜曰鬪訟曰詐僞曰雜律曰捕亡曰斷獄唐亦因之此十二卷每門爲一卷則唐律本文也音義自爲一卷案玉海載天聖七年四月刊律文音義於國子監孫奭言准詔校定律文及疏律疏與刑統不同疏依律生文刑統參用後勅雖盡引疏義頗有增損今校爲定本須依原疏爲主其刑統衍文者損闕文者益

以遵用舊制與刑統兼行又舊本多用俗字改從正體作律文音義一卷文義不同卽加訓解詔崇文院雕印與律文並行先是四年十一月奭言諸科惟明法一科律文及疏未有印本舉人難得眞本習讀詔國子直講楊安國趙希言王圭公孫覺宋祁楊中和校勘判監孫奭馮元詳校至七年十二月畢鏤板頒行卽此本也其音義摘字爲注仿經典釋文體與孟子音義同精覈亦相等如名例篇乘輿下引蔡邕獨斷曰天子車馬衣服器盛百物曰乘輿今本獨斷脫天子以下十一字得此可補其闕又衛禁篇出行夜行音下孟切可正孟子集註俗本行夜爲夜行并俗讀行爲平聲之譌又畜聚之畜丑六切畜產之畜許

又切皆與釋文合可正俗讀許六切之譌卷末題楊  
中和宋祁公孫覺楊安國馮元孫奭銜名其公孫覺  
下二行闕處原本板印斷爛以玉海證之當是趙希  
言王圭二人銜名末又有天聖七年四月日准敕送  
崇文院雕造一行下有墨圖記二方一曰子昭一曰  
撚髭亭此書世尠傳本原出浙江人士稽瑞樓主人  
從之傳錄

慶元條法事類八十卷附開禧重修尙書吏部侍郎右選

格二卷

鈔本

舊闕首卷不詳撰人姓氏案書錄解題有嘉泰條法  
事類云宰相天台謝深甫子肅等表上又云初吏部  
七司有條法總類淳熙新書既成孝宗詔仿七司體

分門修纂別爲一書以事類爲名至是以慶元新書  
修定頒降則此書卽謝子肅等所修奉詔時曰慶元  
成書曰曰嘉泰其爲一書無疑又宋史寧宗本紀慶  
元四年九月頒慶元重修勅令格式嘉泰二年八月  
謝深甫等上慶元條法事類三年七月頒行是當時  
已名慶元矣惟玉海載嘉泰二年上條法事類四百  
三十七卷書目云八十卷其云書目者乃館閣書目  
則今所傳之八十卷已非原修之書卽當時閣本也  
原闕卷一卷二及卷三首數翻卷十八至二十七卷  
三十三至三十五卷三十八至四十六卷五十三至  
七十二凡四十二卷然一代典制賴以考見者尙多  
如玉海載建隆考課今有四善四最而四最僅有其



三書載有民籍增益進丁入老爲生齒之最他如十科薦舉之令由於紹興三年三省樞密請復舉行元祐司馬光之法見宋史選舉志武臣薦舉之格由於隆興元年正月一日三省密院所奏見玉海銓選類其沿革損益皆可考而知足裨史志之闕卷別附開禧重修尙書吏部侍郎右選格二卷案寧宗本紀慶元二年十一月重修吏部七司法開禧元年六月陳自强等上二年頒行疑此二卷卽陳自强所上之書書錄解題亦名嘉定吏部條法總類是書世尠傳本此出乾隆中人所鈔卷首有無名氏撰提要一篇節其要而存之是書本末可見矣舊爲愛日精廬藏書

大元聖政典章新集至治條例二冊

影鈔元本

本當不具跋

題至治二年新集不分卷凡國典朝綱吏部戶部禮部兵部刑部工部八門又分子目三十有九目錄前又有綱目有無名氏題記云大元聖政典章自中統建元至延祐四年所降條畫板行四方已有年矣欽惟皇朝政令誕新朝綱大振省臺院部恪遵成典今謹自至治新元以迄今日頒降條畫及前所未刊新例類聚梓行使官有成規民無犯法其於政治豈小補云目錄後又有刊書人記云至治二年以後新例候有頒降隨類編入梓行不以刻板已成而靳於附益也謹咨舊藏愛日精廬

右法令

營造法式三十六卷 舊鈔本

題通直郎管營修葺皇弟外第專一提舉修葺班直諸軍營房等臣李誠奉聖旨編修前有進書序又請鏤板劄子書錄解題云崇寧二年頒印此本序後有平江府今得紹聖營造法式舊本并目錄看詳共一十四冊紹興十五年五月十一日校勘重刊蓋始刻於崇寧繼刻於紹興也案目錄為三十四卷而看詳內稱書總三十六卷或疑制度一門闕二卷當為後人所併其實目錄一卷看詳中已言之敏求記亦言目錄看詳各一卷合之正三十六卷也看詳中制度十五卷五當作三傳鈔致誤此書雖輾轉影鈔實祖宋本圖樣界畫最為清整遵王所見之本當不是過

以也書目一各本

右考工

目錄類

秘書省續編到四庫闕書二卷 舊鈔本

舊題紹興年改定案此書見直齋書錄及玉海即秘書省所頒闕書目其闕者注闕字於逐書之下案唐書藝文志亦有見闕書目一卷意在訪求而作也又案晁氏讀書志有大宋史館書目總一萬五千一百四十二卷通志藝文略有四庫書目按其分類卷數與此本相同則即當日四庫書目注明有關者耳昭德先生郡齋讀書志四卷後志二卷考異一卷附志一

卷 舊鈔本

讀書志四卷宋晁公武撰後志一卷亦公武撰趙希弁編附志一卷則希弁續輯世所謂袁本讀書志是也有公武自序杜鵬舉黎安朝序又希弁後志序海寧陳氏有刻本字句多舛譌如胡先生易傳條中或云門人阮天隱所纂天隱爲阮逸字陳本阮誤倪是本出義門何氏朱筆點校加以考證卷末有題記云康熙丁亥春日粗校一過又有陽城張古餘跋云此舊鈔袁本較海寧陳氏所刻首多二十卷目錄而字句間每勝其卷二小說類雜詠集後幕府燕閒錄起至神仙類天隱子止共廿翻陳刻俱錯入後志第二卷中今得以正之洵爲善矣

遂初堂書目一卷

舊鈔本

每卷首有何焯之印配瞻二朱記

題晉陵尤袤延之撰書錄解題云延之淳熙名臣藏書至多法書尤富李文簡云延之喜鈔書每公退日計鈔若干葉其子弟諸女亦令鈔之其好書如此故所藏甚富後遭鬱攸之厄此本殆燼餘之目矣且放翁集亦錄入是出尤氏後人所輯非原書也有毛弁序魏了翁陸友仁跋

直齋書錄解題四卷

舊鈔殘本

宋陳振孫撰此出文淵閣所鈔卽秀水朱氏抱經盧氏所見本也僅存楚辭類一卷別集類三卷核與今館本同惟字句差有小異盧氏又得子部數門於鮑氏知此書原本惟別集分三卷詩集分兩卷其餘每類各自爲卷全書當分五十六卷詩集後次以總

集章奏歌辭而以文史終焉其餘次第與館本同  
卷首有文淵閣季振宜藏書汲古閣曝書亭珍藏朱彝尊印諸朱記  
右經籍

金石錄三十卷 校宋本

宋趙明誠撰并序又劉跂李清照序趙不譎跋是書  
以棗竹堂鈔宋本為最善盧刻雖云依之實未見葉  
氏真本故有舛謬又有錢罄室鈔本前十卷從文氏  
所藏宋本錄得者此本為顧澗蒼氏校定有跋云金  
石錄葉文莊手鈔首尾兩頁本康熙己丑何義門收  
得中後有跋者最善至錢罄室鈔本便稍有失真處  
雅雨堂據何別本刊行雖何有真從葉書鈔錄脫譌  
至少語實不能然也又其所稱錢本非何親見乃從

陸敕先傳得故竝多譌今悉用錢葉真本細勘一過  
以葉本為主而附錢本異同葉本所有何校亦頗與  
此出入因并錄焉乾隆甲寅六月十日案是本校讐  
精善勝盧本遠甚惟唐醉吟先生傳并墓碑一條曰  
舊唐史云居易卒年七十五五乃七字之譌新史云  
年六十五六乃七字之譌此葉錢兩本疎處何氏顧  
氏俱未訂正  
金石錄三十卷 舊鈔本  
此陸敕先藏本有跋云假得黃子羽所藏錢罄室手  
鈔本校過案第十卷後罄室識云借文休承宋雕本  
鈔完不知後二十卷又何本也歲次癸卯五月二十  
日虞山陸貽典識

隸釋二十七卷

舊鈔本

宋洪适撰并序此從元刊本影寫卷六卷七末葉並有泰定乙丑寧國路儒學重刊一行又有丁亥年重校一行較萬曆間王鷺刻本為勝舊為孫石芝藏書有無名氏跋曰此書予以萬曆四年丙子春從錢君叔寶借錄嘗一再校其上題字錢君筆也又孫從沾手跋曰予藏此書從汲古毛氏所得戊子年歸鼎臣兄借鈔未還今乾隆戊寅春三月復購得子孫保之石芝記卷首末有孫石芝珍藏曾經幔亭手校二朱記

隸續七卷

舊鈔本

宋洪适撰顧云美氏影鈔元刊本摹寫甚精卷四末葉有泰定乙丑寧國路儒學重刊一行秀水朱氏云

范氏天一閣曹氏古林徐氏傳是樓含經堂皆止七

卷本今揚州刊二十一卷乃從汲古毛氏得舊鈔本

合併成之非淳熙原刻之舊

卷首末有塔影圍客朱記

絳帖釋文二卷

元鈔本

宋曾槃撰槃字樂道贛川人其末自識云絳帖石本磨滅學者每患難通擬作釋文會有以北人所著見畀因附益以舊所攷證刻之桐川郡齋此從宋刻影寫楮墨甚舊當出元人案絳帖釋文相傳有汪立中榮芑所作今皆不可見此本流傳亦稀世之好古者當合姜白石絳帖平其刻之也舊為稽瑞樓藏書

有莫山珍本朱記

石刻鋪敘二卷

舊鈔本

題鳳墅逸客曾宏父纂述宏父字幼卿刑部侍郎無  
玷之子秀水朱氏譌以爲曾布之孫名惇字宏父者  
義門何氏潛研錢氏俱辨之此鈔自義門藏本得諸  
塔影園顧氏者有校正顧本數字者如益都石經條  
內儀禮八冊十七卷顧譌作十六卷孟子十四卷顧  
譌作十二卷鳳墅帖後畫帖續帖不當另行畫帖條  
中時賢鳳山題詠二卷當自爲一行義門跋曰辛卯  
得顧可求家舊鈔本稍正數字顧名德育廉吏榮甫  
之子也又按竹垞跋謂宏父名惇以高宗紹興十三  
年知台州府事今考其自序爲理宗淳祐二年壬寅  
相去凡九十九年又鳳墅帖跋有戊申字則淳祐八  
年相去一百又五年矣其非一人可知竹垞語殊譌

蘭亭考十二卷

影鈔宋本

題桑世昌集前有嘉定元年文華閣學士通奉大夫  
提舉江州太平興國宮高文虎序嘉定十七年朝議  
大夫新除秘書省著作佐郎兼權侍右郎官高似孫  
序後有曾漸張從祖林至黃疇若葉時李兼樓鑰黃  
由陸樛楊長孺黃螢葉適題詩及跋語甚衆又嘉定  
甲申齊碩後序初刻名博議十五卷其後重刊於浙  
東庾司加以刪節而博議本遂佚後有構李項氏本  
脫譌尤多此茶夢主人藏本出自宋刻行款悉仍其  
舊歛鮑氏得柳大中影宋本同此本也

卷首有姚舜咨印茶夢園

庵二朱記

蘭亭續考二卷

舊鈔本

題吳山俞松前有淳祐壬寅蜀人李心傳序此亦出嘉靖間茶夢山人藏本與柳大中本同出宋刻大字本案四庫提要謂高文虎蘭亭博議序多為其子似孫刪改今考是書引高序與蘭亭考字句大異乃知其說之不謬也且原作開禧元年後譌嘉定元年矣

寶刻叢編二十卷

鈔本

宋陳思撰有魏了翁孔山居士陳振孫等序闕第四卷九卷十一十二卷十六十七卷凡六卷此出自元人鈔本卷五末葉有題記云至正庚寅冬得於武林河下之書鋪歸寘於竹江舊隱之凝清齋俞子中父蘭亭誌又有一行云至順改元夏五月五日收此本保居

敬記鈔本脫錯甚多顧澗蕢氏據金石錄隸續輿地

東萊紀勝校過

卷首有顧千里印一雲散人二朱記

輿地碑記目四卷

舊鈔本

宋王象之撰此即從輿地紀勝中錄出別行相傳已久每府州碑末列入志書名原書如是既題曰碑目

宜削去之

卷末有海昌吳葵里收藏朱記

寶刻類編八卷

鈔本

不著撰人名氏四庫書目謂理宗時人作於唐五代碑碣蒐采最富可補歐趙兩家之遺惜闕名臣十

三之三一卷

古刻叢鈔一卷

鈔本

題陶宗儀編凡鈔西漢至南宋碑刻七十一種俱錄

全文多金石家所未見者鈔本間有舛譌澗蕢願氏  
校過未有跋已刻入孫氏平津館叢書

右金石

史評類

史通二十卷

校宋本

唐劉知幾撰并序宋本不題名於序後即接題史通  
秩上內篇劉氏一行此依盧抱經羣書拾補中所見  
華亭朱氏影鈔宋本校過復將馮已蒼錢遵王何義  
門三家校本一一注明卷末有題記云丙申元旦後

東萊先生音註唐鑑二十四卷

明刊本

題承議郎行秘書省著作佐郎騎都尉賜緋魚袋臣

范祖禹撰朝奉郎行秘書省著作佐郎兼國史院編

修官兼權禮部郎官臣呂祖謙註有范氏自序及元

祐元年進書表明弘治間常州楊伯川刻有邑人白

昂鼓城呂鏗二序

唐書直筆新例四卷新例須知一卷

影鈔宋本

宋呂夏卿撰書中題帝紀第一列傳第二志第三摘

繁文闕誤第四後附唐書新例須知與晁公武讀書

志合四庫館著錄本前二卷論紀傳志第三卷論

舊史繁文闕誤第四卷爲新例須知共爲四卷已出

後來合并此本遇宋諱字有減筆蓋錄自宋本故篇

第尚仍其舊

致堂讀史管見三十卷

宋刊本



宋胡寅撰是書作於紹興二十五年逮嘉定十一年  
衡陽郡守孫某刻於學署有猶子大壯序卽此本也  
每半葉十二行行二十三字宋諱慎惇字有減筆案  
姚牧庵集序此書謂宋時江南宣郡有刻板入元歸  
興文署宣之學官劉安重刻之牧庵嘗得致堂手稿  
數紙令摹諸卷首是宋元時絕重其書也

涉史隨筆一卷

明刊本

宋葛洪撰并序明弘治間南昌道王朝言有刊本是  
本爲正德時鄺璠重校刻末有王純後序及鄺璠跋

李侍郎經進六朝通鑑博議十卷

宋刊本

題侍郎李燾卷首有三國晉南北朝北朝譜系圖六朝  
建都六朝攻守圖四葉前有紹熙三載秀國陳之賢

序乞尙史學劄子每半葉十二行行廿二字書中無  
闕筆字惟殷浩作商浩桓温作元温劄子後有正書  
墨圖記曰畢萬裔宅刻梓於富學堂舊藏邑中陳氏

每卷有稽瑞樓朱記

類編皇朝大事紀講義二十三卷

舊鈔本

題黃甲省元肇慶府學教授温陵呂中講義省元國  
學前進士三山繆烈蘭臯蔡炳編校是書紀宋太祖  
至欽宗事加以論斷末附中興講義一卷略及高宗  
事前有淳祐丁未興國軍教授劉實甫序謂止齋水  
心之徒以其師講貫之素發明聖君賢相之心隨朝  
分類隨事通釋攷求源委言近指遠云云此從宋麻

沙本傳錄

小學史斷二卷

明刊本

宋南宮靖一撰并序案靖一字仲靖南昌人端平中進士是書上起周平王下迄五代敘述史事兼采宋儒論斷以供童蒙拾誦宋史藝文志不載明嘉靖中始有刻本此四明張木刻於薊州者有刻板序

十七史纂古今通要十七卷後集三卷

元刊本

題新安前貢士胡一桂庭芳纂前有大德壬寅一桂自序及汪良臣序卷首列圖二十有三纂事始三皇止五季其子昌祖爲之注後集乃董鼎季亨所續凡宋二卷金一卷四庫著錄祇有胡氏書而未及董氏

史義拾遺二卷

明刊本

題元赤城令會稽鐵崖楊維禎撰是書雜論史事皆有爲而作爲集中不載弘治間平湖陸淞以其父程鄉令手錄本梓行有序嘉靖庚子皇甫汈重刻有後跋



